

REGLUGERÐ

um veiðieftirlit á samningssvæði Norðaustur-Atlantshafsveiðinefndarinnar (NEAFC).

1. gr.

Reglugerð þessi tekur til íslenskra skipa sem veiðar stunda á samningssvæði Norðaustur-Atlantshafsveiðinefndarinnar (NEAFC), utan lögsögu ríkja. Þá tekur reglugerðin til veiða innan lögsögu ríkja, lúti veiðar á viðkomandi tegundum stjórn NEAFC um leyfilegan hámarksafla. Loks gildir reglugerðin um tilkynningarskyldu íslenskra skipa til hafnríkja, hafi þau stundað veiðar innan eða utan lögsögu og fryst afla eða tekið við frystum afla sem veiddur er á samningssvæði NEAFC og landi aflanum í erlendri höfn. Reglugerð þessi lýtur að framkvæmd samkomulags milli aðildarríkjanna frá 20. nóvember 1998, um eftirlit með veiðum á samningssvæðinu.

2. gr.

Íslenskum fiskiskipum er óheimilt að stunda veiðar á samningssvæði NEAFC, sbr. 1. gr., án sérstaks leyfis Fiskistofu.

3. gr.

Auk þess að halda afladagbók samkvæmt almennum reglum skal halda sérstaka afladagbók um veiðar á NEAFC-svæðinu, sem Fiskistofa leggur til. Afladagbókin skal innbundin með númeruðum síðum. Skal Fiskistofa hafa yfirlit yfir hvaða síðunúmer eru í bókum sem ætlaðar eru til notkunar í hverju skipi. Óheimilt er að fjarlægja síður úr bókum.

Í afladagbókina skal færa eftirfarandi atriði:

1. Kallmerki.
2. Nafn skips.
3. Skipaskrárnúmer.
4. Umdæmisnúmer.

Við hverja komu inn á samningssvæði skal skrá:

1. Dagsetningu.
2. Tíma.
3. Staðsetningu í lengd og breidd.
4. Heildarafla upp úr sjó um borð eftir magni og tegundum.

Daglega skal skrá:

1. Dagsetningu.
2. Veiðarfæri.
3. Fjölda toga eða kasta.
4. Veiðisvæði samkvæmt reitakerfi ICES.
5. Dagsafla upp úr sjó eftir magni og tegundum.
6. Heildarafla upp úr sjó um borð eftir magni og tegundum.

Við hverja brottför af samningssvæðinu skal skrá:

1. Dagsetningu.
2. Tíma.
3. Staðsetningu í lengd og breidd.
4. Heildarafla upp úr sjó um borð eftir magni og tegundum.

Ef afli er unninn um borð, skal skrá daglega:

1. Magn unninna afurða eftir tegundum og vinnsluaðferð/pakkningum.
2. Heildarmagn unninna afurða eftir tegundum og vinnsluaðferð/pakkningum. Þegar tilkynningar eru sendar sbr. 6. gr. skal skrá dagsetningu og tíma þegar sent er og strandstöð sem sent er um, sé tilkynningin ekki send með öðrum hætti.

Allar færslur skv. þessari grein skulu vera í samræmi við leiðbeiningar í bókinni.

4. gr.

Allar tilkynningar sem skylt er að senda samkvæmt reglugerð þessari skal senda á tölvutæku formi sameiginlegri eftirlitsstöð Landhelgisgæslunnar og Fiskistofu sem miðlar gögnum til þeirra stofnana sem við á. Í reglugerð þessari er hún nefnd „eftirlitsstöð“.

Tilkynningar skulu sendar með þeim hætti sem lýst er í viðauka I (uppbygging skeyta).

5. gr.

Öll skip sem stunda veiðar á samningssvæðinu skulu búin fjarskiptabúnaði, sem sendir upplýsingar með sjálfvirkum hætti til eftirlitsstöðvarinnar um staðsetningu viðkomandi skips á klukkustundar fresti. Óheimilt er að hefja veiðiferð fyrr en eftirlitsstöðin sem staðfesti eftir því sem við á hverju sinni um virkni búnaðarins. Skulu sendingar samkvæmt ofangreindu hefjast þegar viðkomandi skip lætur úr höfn og skal þeim ekki ljúka fyrr en skipið kemur til hafnar að nýju til löndunar afla.

Ef búnaður til sjálfvirkra sendinga skv. 1. mgr. bilar, skal gert við hann svo fljótt sem mögulegt er, þó eigi síðar en að 30 dögum liðnum. Þar til búnaðurinn verður kominn í lag skal senda á annan hátt upplýsingar um staðsetningu skipsins á 6 klukkustunda fresti til eftirlitsstöðvarinnar. Ennfremur skal tilkynna þegar skipið hefur veiðar og lýkur þeim.

6. gr.

Öll skip sem veiðar stunda á samningssvæðinu skulu senda eftirgreindar tilkynningar til eftirlitsstöðvarinnar:

Komutilkynning: Skylt er skipstjóra skips að tilkynna til eftirlitsstöðvarinnar með ekki meira en 12 klukkustunda og að minnsta kosti 2 klukkustunda fyrirvara að það fari inn á viðkomandi samningssvæði til veiða.

Í tilkynningunni komi fram eftirfarandi upplýsingar:

1. Kóði viðtakanda: „ISL“ fyrir íslensku eftirlitsstöðina.
2. Raðnúmer skeytisins.
3. Kóði fyrir tegund skeytisins: „COE“ sem komutilkynning.
4. Kóði fyrir það veiðisvæði sem fara á inn á: „NEA“ fyrir NEAFC-samningssvæðið.
5. Kallmerki skipsins.
6. Númer veiðiferðar.
7. Nafn skipsins.
8. Skipaskrárnúmer.
9. Umdæmisnúmer.
10. Staðsetning skipsins í gráðum og heilum mínútum.
11. Áætlað aflamagn um borð í kg, fært að næstu 100 kg miðað við afla upp úr sjó, sundurliðað eftir tegundum.
12. Dagsetning og tími.

Um leið og skipið fer inn á samningssvæðið skal senda til eftirlitsstöðvarinnar:

Tilkynningu um staðsetningu: Í tilkynningunni komi fram eftirfarandi upplýsingar:

1. Kóði viðtakanda: „ISL“ fyrir íslensku eftirlitsstöðina.
2. Raðnúmer skeytisins.
3. Kóði fyrir tegund skeytisins: „POS“ sem tilkynning um staðsetningu.
4. Kóði fyrir það veiðisvæði sem fara á inn á: „NEA“ fyrir NEAFC-samningssvæðið.
5. Kallmerki skipsins.
6. Staðsetning skipsins í gráðum og heilum mínútum.
7. Dagsetning og tími.

Aflatilkynning: Hvern mánudag skal tilkynna eftirlitsstöðinni um heildarafla síðustu viku, þ.e. frá upphafi síðasta mánudags til loka síðasta sunnudags, miðað við afla upp úr sjó, sundurgreindan eftir tegundum. Í tilkynningunni komi fram eftirfarandi upplýsingar:

1. Kóði viðtakanda: „ISL“ fyrir íslensku eftirlitsstöðina.
2. Raðnúmer skeytisins.
3. Kóði fyrir tegund skeytisins: „CAT“ sem aflatilkynning.
4. Kóði fyrir það veiðisvæði sem aflatilkynningin á við: „NEA“ fyrir NEAFC-samningssvæðið.
5. Kallmerki skipsins.
6. Númer veiðiferðar.
7. Staðsetning skipsins í gráðum og heilum mínútum (þarf ekki ef skipið er í sjálfvirku gervihnattaeftirliti).
8. Vikuaflamagn í kg, fært að næstu 100 kg miðað við afla upp úr sjó, sundurliðað eftir tegundum.
9. Fjöldi veiðidaga frá upphafi veiða eða frá síðustu aflatilkynningu.
10. Dagsetning og tími.

Lokatilkynning: Þegar veiðiskip yfirgefur samningssvæðið skal það tilkynnt eftirlitsstöðinni með ekki meiri en 8 klukkustunda og að minnsta kosti 2 klukkustunda fyrirvara. Jafnframt skal í tilkynningu tilgreindur áætlaður heildarafla frá því að veiðar hófust, eða frá síðustu viku aflatilkynningu miðað við afla úr sjó, aðgreindan eftir tegundum og einnig löndunarhöfn. Í tilkynningunni komi fram eftirfarandi upplýsingar:

1. Kóði viðtakanda: „ISL“ fyrir íslensku eftirlitsstöðina.
2. Raðnúmer skeytisins.
3. Kóði fyrir tegund skeytisins: „COX“ sem lokatilkynning.
4. Kóði fyrir það veiðisvæði sem aflatilkynningin á við: „NEA“ fyrir NEAFC-samningssvæðið.
5. Kallmerki skipsins.
6. Númer veiðiferðar.
7. Staðsetning skipsins í gráðum og heilum mínútum (þarf ekki ef skipið er í sjálfvirku gervihnattaeftirliti).
8. Vikuaflamagn í kg, fært að næstu 100 kg miðað við afla upp úr sjó, sundurliðað eftir tegundum.
9. Fjöldi veiðidaga frá upphafi veiða eða frá síðustu aflatilkynningu.
10. Löndunarhöfn.
11. Dagsetning og tími.

Um leið og skipið fer út af samningssvæðinu skal senda til eftirlitsstöðvarinnar:

Tilkynningu um staðsetningu: Í tilkynningunni komi fram eftirfarandi upplýsingar:

1. Kóði viðtakanda: „ISL“ fyrir íslensku eftirlitsstöðina.
2. Raðnúmer skeytisins.
3. Kóði fyrir tegund skeytisins: „POS“ sem tilkynning um staðsetningu.
4. Kóði fyrir það veiðisvæði sem skipið fer af: „NEA“ fyrir NEAFC-samningssvæðið.
5. Kallmerki skipsins.
6. Staðsetning skipsins í gráðum og heilum mínútum.
7. Dagsetning og tími.

Varðandi nánari skráningu upplýsinga og tilkynninga samkvæmt þessari grein vísast til viðauka II við reglugerð þessa.

7. gr.

Um vigtun afla gilda ákvæði reglugerðar nr. 224/2006, um vigtun og skráningu sjávaraflla, með síðari breytingu. Óheimilt er að flytja óvigtaðan afla um borð í flutningaskip eða önnur veiðiskip. Heimilt er þó skipum sem stunda veiðar á uppsjávartegundum, að miðla afla úr veiðarfærum milli veiðiskipa í því skyni að koma í veg fyrir að fiski sé sleppt dauðum úr veiðarfærum.

8. gr.

Skylt er skipstjórum íslenskra skipa, sem heimild hafa til löndunar erlendis og ætla að landa frystum afla eða afurðum í erlendri höfn að tilkynna þar til bæru yfirvaldi hafnríkis með minnst 3 virkra daga fyrirvara um komu sína til hafnar. Tilkynningar skulu sendar á eyðublöðum NEAFC fyrir hafnríkiseftirlit (Port State Control Forms), PSC1 eða PSC2, eftir því sem við á sem fást á heimasíðu NEAFC: www.neafc.org.

9. gr.

Skylt er skipstjórum skipa sem stunda veiðar á samningssvæðinu eða hafa stundað veiðar þar, að veita aðstoð sína til þess að eftirlitsmenn samningsríkja NEAFC, sem sýnt geta fram á með skilríkjum að þeir séu til þess bærir, geti komist um borð í veiðiskip sé eftir því leitað.

Er skipstjóra viðkomandi skips skylt að sjá til þess að eftirlitsmönnum sé gert kleift að komast um borð með skjótum og öruggum hætti og skal vera til staðar nauðsynlegur búnaður sem tryggir það.

Skipstjórum er skylt að veita eftirlitsmönnum endurgjaldslaust aðbúnað, starfsaðstöðu og aðstoð sem þeim er nauðsynleg í starfi sínu, m.a. greiðan aðgang að fjarskiptatækjum, staðsetningartækjum og kortum.

Eftirlitsmönnum skal leyft að skoða og mæla veiðarfæri skipsins og afla til að ganga úr skugga um að farið sé eftir reglum þeim er NEAFC hefur sett. Þá skal eftirlitsmönnum gert kleift að skoða skjöl skipsins, skrifa í þau athugasemdir sínar, m.a. um meint brot og gera skýrslu um skoðunina.

10. gr.

Brot á reglugerð þessari og ákvæðum leyfisbréfa gefnum út á grundvelli hennar, skulu varða viðurlögum samkvæmt III. kafla laga nr. 151, 27. desember 1996, um fiskveiðar utan lögsögu Íslands, með síðari breytingum og VI. kafla laga nr. 116, 10. ágúst 2006, um stjórn fiskveiða, með síðari breytingum.

11. gr.

Reglugerð þessi er sett samkvæmt lögum nr. 151, 27. desember 1996, um fiskveiðar utan lögsögu Íslands, með síðari breytingum og lögum nr. 116, 10. ágúst 2006, um stjórn fiskveiða með síðari breytingum til þess að öðlast þegar gildi. Frá sama tíma er felld úr gildi reglugerð nr. 447, 30. júní 1999, um veiðieftirlit á samningssvæði Norðaustur-Atlantshafsfiskveiðinefndarinnar (NEAFC), með síðari breytingum.

Sjávarútvegs- og landbúnaðarráðuneytinu, 3. apríl 2008.

F. h. r.

Steinar Ingi Matthíasson.

Pórður Eyþórsson.

VIÐAUKI I

Uppbygging skeyta.

Skeyti sem send eru á tölvulesanlegu formi (North Atlantic Format) eru byggð upp á eftirfarandi hátt:

Tvö skástrik („//“) og stafirnir „SR“ tákna upphaf skeytis

„//SR“ er notað sem merki fyrir tölvuna um að nú skuli hefja innlestur gagna.

Tvö skástrik („//“) og kóði tákna upphaf hvers atriðis

„//“ og tveggja stafa kóði fyrir atriði er ávallt sent á undan hverju atriði.

Eitt skástrik („/“) aðskilur kóða og upplýsingar

„/“ skal senda í beinu framhaldi af kóða fyrir atriði og upplýsingarnar beint þar á eftir. Athugið að aldrei er bil milli skástrika og kóða eða upplýsinga.

Pör af upplýsingum eru aðskilin með einu stafabili

Eitt stafabil er notað til aðgreiningar milli kóða þar sem upplýsingar eru sendar í pörum, eins og t.d. varðandi upplýsingar um afla, og magn viðkomandi fiskitegundar. Dæmi: //CA/RED 2500 HAD 1700 COD 3500//„(Kóði næsta atriðis)“. Athugið að ekkert bil á að vera á milli síðustu aflatölu og kóða næsta atriðis á eftir.

Tvö skástrik („//“) stafirnir „ER“ og tvö skástrik tákna lok skeytis

„//ER//“ er notað fyrir tölvuna sem merki um að nú skuli innlestri gagna ljúka.

Kóðar, aðrir en kóðar atriða, til notkunar í skeytasendingum á NEAFC-samningssvæðinu:

Atriði:	Kóði:
<i>Viðtakandi:</i> ISO-3166 einkenni	ISL
<i>Tegundir skeyta:</i> Komutilkynning Aflatilkynning Lokatilkynning Tilkynning um staðarákvörðun	COE CAT COX POS
<i>Viðeigandi svæði:</i> Veiðar í íslenskri lögsögu Veiðar á NEAFC-samningssvæðinu Veiðar í lögsögu Grænlands	ISL NEA GRL
<i>Deilivæði:</i> Skilgreint deilivæði	UKS eða UKX
Fisktegundir / veiðarfæri / framleiðsla	Sjá kóða í afladagbók

Dæmi um skeyti:

Íslenska skipið ODDUR, kallmerki TFXX, skipaskrárnúmer 9999, umdæmisnúmer RE-999 heldur til veiða á NEAFC-svæðinu á Reykjaneshrygg. Þetta er fyrsta veiðiferð skipsins á NEAFC-svæðið á árinu. Skipið kemur inn á innra deilivæðið (UKS). Við komu inn á svæðið eru um borð í skipinu 20 lestir af þorski og 30 lestir af ufsa. Skipið sendir komutilkynningu áður en farið er inn á svæðið (*sjá nánar í reglugerð ákvæði um tímatakmarkanir*) og er þá statt á 62°08'N - 029°18'V.

Komutilkynning:

```
//SR//AD/ISL//SQ/1//TM/ENT//RA/UKS//ZO/NEA//RC/TFXX//TN/1//NA/ODDUR
//IR/ISL9999//XR/RE-999// LA/N6208//LO/W02918//OB/COD 20000 POK 30000
// DA/19990601//TI/0900//ER//
```

Um leið og skipið fer yfir lögsögumörkin við komu inn á svæðið á stað 62°00'N - 029°34'V sendir skipið tilkynningu um staðsetningu:

Tilkynning um staðsetningu:

```
//SR//AD/ISL//SQ/2//TM/POS//ST/NEA//RC/TFXX//LA/N6200//LO/W02934//
DA/19990601//TI/1500//ER//
```

Skipið stundar veiðar á UKS-svæðinu í 10 daga og hefur að kvöldi fyrsta sunnudags eftir að hafa verið 6 daga á svæðinu veitt 30 lestir af karfa og 10 lestir af löngu. Skipið er í sjálfvirku eftirliti og þarf því ekki að senda staðsetningu með aflatilkynningu.

Aflatilkynning:

```
//SR//AD/ISL//SQ/3//TM/CAT//RA/UKS//ZO/NEA//RC/TFXX//TN/1
//CA/RED 30000 LIN 10000//DF/6//DA/19990607//TI/1000//ER//
```

Skipið heldur af svæðinu þann 10. júní 1999 og hefur þá veitt til viðbótar 25 lestir af karfa og fengið 1,7 lestir af blönduðum afla. Skipið sendir „Lokatilkynningu“ áður en farið er út af svæðinu (*sjá nánar í reglugerð ákvæði um tímatakmarkanir*) og mun landa í Reykjavík. Skipið er áfram í sjálfvirknu eftirliti og þarf því ekki að senda staðsetningu með lokatilkynningu.

Fari skipið út fyrir deilissvæði UKS og inn á deilissvæði UKX skal senda aflaskýrslu áður en komið er inn á deilissvæði UKX. Fari skipið inn í lögsögu Grænlands skal senda lokatilkynningu og síðan komutilkynningu inn í lögsögu Grænlands á sama hátt og þegar farið er inn á samningssvæði NEAFC. Skipið þarf eftir sem áður að fylgja öllum kröfum Grænlandinga um tilkynningar.

Lokatilkynning:

//SR//AD//ISL//SQ/4//TM//COX//RA//UKS//ZO//NEA//RC//TFXX//TN/1

//CA//RED 25000 MZZ 1700//DF/4//PO//REYKJAVIK//DA/19990610//TI/1000//ER//

Um leið og skipið fer yfir lögsögumörkin við brottför af svæðinu á stað 62°00'N - 029°35'V þann 10. júní 1999 kl. 16.00 sendir skipið tilkynningu um staðsetningu:

Tilkynning um staðsetningu:

//SR//AD//ISL//SQ/5//TM//POS//RA//UKS//ZO//NEA//RC//TFXX//LA/N6200//LO/W02935//DA/19990610//TI/1600//ER//

VIÐAUKI II

Komu-, afla- og lokatilkynningar.

Komutilkynning

Atriði:	Kóði:	Tegund:	Mesta lengd:	Form:	Athugasemdir:
Upphaf skeytis	SR				<i>Kerfisupplýsingar:</i> Gefa til kynna upphaf skeytisins.
Viðtakandi	AD	Texti	3	ISO-3166	<i>Skeytaupplýsingar:</i> Viðtakandi, „ISL“ fyrir Ísland.
Númer skeytis	SQ	Tala	6	1 - 999999	<i>Skeytaupplýsingar:</i> Raðnúmer skeytisins vegna veiða á viðeigandi svæði á yfirstandandi ári.
Tegund skeytis	TM	Texti	3	Kóði	<i>Skeytaupplýsingar:</i> Tegund skeytis „COE“ sem komutilkynning.
Viðeigandi svæði	ZO	Texti	3	Kóði	<i>Athafnaupplýsingar:</i> Kóði fyrir það svæði sem verið er að fara inn á, „ISL“ fyrir íslenska lögsögu. „NEA“ fyrir NEAFC-samningssvæðið. „GRL“ fyrir fiskveiðilögsögu Grænlands.

Atriði:	Kóði:	Tegund:	Mesta lengd:	Form:	Athugasemdir:
Deilisvæði	RA	Texti	6	Kóði	<i>Athafnaupplýsingar:</i> „UKS“ eða „UKX“
Kallmerki	RC	Texti	7	IRCS kóði	<i>Skráningarupplýsingar:</i> Rádiókallmerki skipsins.
Númer veiðiferðar	TN	Tala	3	001 - 999	<i>Athafnaupplýsingar:</i> Raðnúmer veiðiferðar á yfirstandandi ári.
Nafn skips	NA	Texti	30		<i>Skráningarupplýsingar:</i> Nafn skipsins.
Skipaskrárnúmer	IR	Texti Tala	3 9	ISO-3166 + Númer	<i>Skráningarupplýsingar:</i> Einkennismerki ríkis (ISL 12345) og skipaskrárnúmer.
Umdæmisnúmer	XR	Texti	14		<i>Skráningarupplýsingar:</i> Umdæmisnúmer skipsins.
Lengd	LA	Texti	5	NDDMM (WGS-84)	<i>Athafnaupplýsingar:</i> Staðsetning skipsins þegar skeytið er sent.
Breidd	LO	Texti	6	E/WDDMM (WGS-84)	<i>Athafnaupplýsingar:</i> Staðsetning skipsins þegar skeytið er sent.
Afli um borð	OB	Texti	3	Tegundakóði FAO	<i>Athafnaupplýsingar:</i> Sundurliðaður afli um borð (//OB/COD 2300 HAD 1700 RED 5500).
Tegund		Tala	7	0 - 9999999	Tegundakóði FAO.
Magn					Aflamagn upp úr sjó í kg, fært að næstu 100 kg.
Dagur	DA	Tala	8	ÁÁÁÁMMDD	<i>Skeytaupplýsingar:</i> Dagsetning sendingar.
Tími	TI	Tala	4	KKMM	<i>Skeytaupplýsingar:</i> Tími sendingar.
Endir skeytis	ER				<i>Kerfisupplýsingar:</i> Gefa til kynna endi skeytisins.

Aflatilkynning

Atriði:	Kóði:	Tegund:	Mesta lengd:	Form:	Athugasemdir:
Upphaf skeytis	SR				<i>Kerfisupplýsingar:</i> Gefa til kynna upphaf skeytisins.
Viðtakandi	AD	Texti	3	ISO-3166	<i>Skeytaupplýsingar:</i> Viðtakandi, „ISL“ fyrir Ísland.
Númer skeytis	SQ	Tala	6	1 - 999999	<i>Skeytaupplýsingar:</i> Raðnúmer skeytisins vegna veiða á viðeigandi svæði á yfirstandandi ári.
Tegund skeytis	TM	Texti	3	Kóði	<i>Skeytaupplýsingar:</i> Tegund skeytis „CAT“ sem aflatilkynning.

Atriði:	Kóði:	Tegund:	Mesta lengd:	Form:	Athugasemdir:
Viðeigandi svæði	ZO	Texti	3	Kóði	<i>Athafnaupplýsingar:</i> Kóði fyrir það svæði sem aflinn er fenginn, „ISL“ fyrir íslenska lögsögu. „NEA“ fyrir NEAFC-samningssvæðið. „GRL“ fyrir fiskveiðilögsögu Grænlands.
Deilisvæði	RA	Texti	6	Kóði	<i>Athafnaupplýsingar:</i> „UKS“ eða „UKX“
Kallmerki	RC	Texti	7	IRCS kóði	<i>Skráningarupplýsingar:</i> Rádiókallmerki skipsins.
Númer veiðiferðar	TN	Tala	3	001 - 999	<i>Athafnaupplýsingar:</i> Raðnúmer veiðiferðar á yfirstandandi ári.
Lengd ¹⁾	LA	Texti	5	NDDMM (WGS-84)	<i>Athafnaupplýsingar:</i> Staðsetning skipsins þegar skeytið er sent.
Breidd ¹⁾	LO	Texti	6	E/WDDMM (WGS-84)	<i>Athafnaupplýsingar:</i> Staðsetning skipsins þegar skeytið er sent.
Vikuafli	CA	Texti	3	Tegundakóði FAO	<i>Athafnaupplýsingar:</i> Sundurliðaður afli síðustu viku eða frá síðasta skeyti.
Tegund		Tala	7	0 - 9999999	(//CA/COD 2300 HAD 1700 RED 5500). Tegundakóði FAO.
Magn					Aflamagn upp úr sjó í kg, fært að næstu 100 kg.
Veiðidagar	DF	Tala	3	1 - 365	<i>Athafnaupplýsingar:</i> Fjöldi veiðidaga á samningssvæðinu frá upphafi veiða eða frá síðustu aflatilkynningu.
Dagur	DA	Tala	8	ÁÁÁÁMMDD	<i>Skeytaupplýsingar:</i> Dagsetning sendingar.
Tími	TI	Tala	4	KKMM	<i>Skeytaupplýsingar:</i> Tími sendingar.
Endir skeytis	ER				<i>Kerfisupplýsingar:</i> Gefa til kynna endi skeytisins.

1) Valfrjáls ef skipið er í sjálfvirku gervihnattaefirliti samkvæmt 5. gr.

Lokatilkynning

Atriði:	Kóði:	Tegund:	Mesta lengd:	Form:	Athugasemdir:
Upphaf skeytis	SR				<i>Kerfisupplýsingar:</i> Gefa til kynna upphaf skeytisins.
Viðtakandi	AD	Texti	3	ISO-3166	<i>Skeytaupplýsingar:</i> Viðtakandi, „ISL“ fyrir Ísland.
Númer skeytis	SQ	Tala	6	1 - 999999	<i>Skeytaupplýsingar:</i> Raðnúmer skeytisins vegna veiða á viðeigandi svæði á yfirstandandi ári.

Atriði:	Kóði:	Tegund:	Mesta lengd:	Form:	Athugasemdir:
Tegund skeytis	TM	Texti	3	Kóði	<i>Skeytaupplýsingar:</i> Tegund skeytis „COX“ sem lokatilkyning.
Viðeigandi svæði	ZO	Texti	3	Kóði	<i>Athafnaupplýsingar:</i> Kóði fyrir það svæði sem verið er að fara út af: „ISL“ fyrir íslenska lögsögu. „NEA“ fyrir NEAFC-samningssvæðið. „GRL“ fyrir fiskveiðilögsögu Grænlands.
Deilisvæði	RA	Texti	6	Kóði	<i>Athafnaupplýsingar:</i> Kóði fyrir það svæði sem verið er að fara út af „UKS“ eða „UKX“
Kallmerki	RC	Texti	7	IRCS kóði	<i>Skráningarupplýsingar:</i> Rádiókallmerki skipsins.
Númer veiðiferðar	TN	Tala	3	001 - 999	<i>Athafnaupplýsingar:</i> Raðnúmer veiðiferðar á yfirstandandi ári.
Lengd ¹⁾	LA	Texti	5	NDDMM (WGS-84)	<i>Athafnaupplýsingar:</i> Staðsetning skipsins þegar skeytið er sent.
Breidd ¹⁾	LO	Texti	6	E/WDDMM (WGS-84)	<i>Athafnaupplýsingar:</i> Staðsetning skipsins þegar skeytið er sent.
Vikuaflí	CA	Texti	3	Tegundakóði FAO	<i>Athafnaupplýsingar:</i> Sundurliðaður aflí síðustu viku eða frá síðasta skeyti.
Tegund		Tala	7	0 - 9999999	(//CA/COD 2300 HAD 1700 RED 5500) Tegundakóði FAO.
Magn					Aflamagn upp úr sjó í kg, fært að næstu 100 kg.
Veiðidagar	DF	Tala	3	1 - 365	<i>Athafnaupplýsingar:</i> Fjöldi veiðidaga á samningssvæðinu frá upphafi veiða eða frá síðustu aflatilkyningu.
Löndunarhöfn	PO	Texti	20		<i>Athafnaupplýsingar:</i> Höfn þar sem áætlað er að landa aflanum.
Dagur	DA	Tala	8	ÁÁÁÁMMDD	<i>Skeytaupplýsingar:</i> Dagsetning sendingar.
Tími	TI	Tala	4	KKMM	<i>Skeytaupplýsingar:</i> Tími sendingar.
Endir skeytis	ER				<i>Kerfisupplýsingar:</i> Gefa til kynna endi skeytisins.

1) Valfrjálst ef skipið er í sjálfvirku gervihnattaefirliti samkvæmt 5. gr.

Tilkynning um staðsetningu¹⁾

Atriði:	Kóði:	Tegund:	Mesta lengd	Form:	Athugasemdir:
Upphaf skeytis	SR				<i>Kerfisupplýsingar:</i> Gefa til kynna upphaf skeytisins.
Viðtakandi	AD	Texti	3	ISO-3166	<i>Skeytaupplýsingar:</i> Viðtakandi, „ISL“ fyrir Ísland.
Númer skeytis	SQ	Tala	6	1 - 999999	<i>Skeytaupplýsingar:</i> Raðnúmer skeytisins vegna veiða á viðeigandi svæði á yfirstandandi ári.
Tegund skeytis	TM	Texti	3	Kóði	<i>Skeytaupplýsingar:</i> Tegund skeytis „POS“ sem tilkynning um staðsetningu.
Lengd	LA	Texti	5	NDDMM (WGS-84)	<i>Athafnaupplýsingar:</i> Staðsetning skipsins þegar skeytið er sent.
Breidd	LO	Texti	6	E/WDDMM (WGS-84)	<i>Athafnaupplýsingar:</i> Staðsetning skipsins þegar skeytið er sent.
Dagur	DA	Tala	8	ÁÁÁÁMMDD	<i>Skeytaupplýsingar:</i> Dagsetning sendingar.
Tími	TI	Tala	4	KKMM	<i>Skeytaupplýsingar:</i> Tími sendingar.
Endir skeytis	ER				<i>Kerfisupplýsingar:</i> Gefa til kynna endi skeytisins.

- 1) Þetta skeyti skal senda við eftirfarandi aðstæður:
- Ef búnaður til sjálfvirkra stöðutilkynninga bilar.
 - Um leið og skip fer yfir lögsögumörk við komu inn á svæðið eftir að hafa sent komutilkynningu.
 - Um leið og skip fer yfir lögsögumörk við brottför af svæðinu eftir að hafa sent lokatilkynningu.